





40

CARMEN

ELEGIACVM
SCRIPTVM IN FE-
STO MICHAELIS, DE
CVSTODIA ECCLESIAE

sanctis Angelis de-
mandata,

ab

ABRAHAMO HOMILIO
Torgensi.



VVITEBERGAE Ioh. Schuuertel
imprimebat Anno 1568.



AMPLISSIMIS ET PRU-
DENTISSIMIS VIRIS, CONSV-
libus & Senatoribus inclite Urbis Torgæ, Do-
minis ac patronis suis perpetua
obseruantia colendis.

Spectati, celebres inter pars optima Ciues,
Integritate graues, & pietate viri.
Religio est vobis vera & sanctissima cura,
Auxilium vestrum sentit & orba cohors.
Hinc ego permotus vobis hæc carmina mitto,
Quæ canit incultis nostra Thalia modis.
Accipite hæc faciles vultusq; adhibete benignos,
Quæ fame haud causa, sed famis ipse cano.
Accipite has primas quas vobis offero fruges
Ingenij, & prona mente probate precor.
Si Phæbus nostros feliciter auxerit hortos,
His etiam forsân splendidiora dabo.
Viuite nunc, cura & sortis vos tangat egena,
Sic Deus Angelica vos teget almus ope.

Vestre Prudentiæ

addictissimus

Abrahamus Homilius
Torgensis.

CARMEN DE CVSTODIA
DIA ECCLESIAE ANGELIS
sanctis demandata.

Tempore quo plena nunc turgent vitibus vine,
Dumq; petunt dominas ad sua dona manus,
Undiq; fecundos hominum dum turba per hortos
Tendit, & innumera nunc ope vina legit.
Angelica extemplo redeunt sacra festa cohortis,
Christigenis merito concelebranda pijs.
Namq; iuvat tanti memores quoq; muneris esse
Nos, & inoblita mente referre decus.
Quod mira aethereos hos condidit arte ministros,
Finxit & in laudes agmina pura Deus.
Insuper hos nostro lateri quod caelitus addit,
Vt nos servatos semper ab hoste tegant.
Dispereant omnes & sint sine numine sancto,
Turpia queis tantum facta referre placet.
Pergite Pierides, nam vobis flammea turba
Presto est, excubias que pia semper agit.
Ipse Deo memorem & gratam testantia mentem
Pierijs faciam carmina pauca modis.
Dum cano grata tibi, vultu modo Christe benigno
Huc ades, & timida dirige navis iter.
Vos quibus eterni faciem spectare parentis
Concessum, & Christo semper adesse Duci,
Vos mecum canite, & leti depromite laudes,
Vnanimi mecum carmine templa sonent.
Dum nos heu miseros, ex omni parte molestant
Tempora plena dolis, tempora plena minis.
Omnia dum tristem demonstrant undiq; vultum,
Et mundi luctus angulus omnis habet.

Et mundi luctus angulus omnis habet.
Dum furit ALBANVS, dumq; instat Turca Tyrannus,
Papa nec, Antiocho senior ipse, tacet. (nus,
Hac dum versamur nos per discrimina rerum,
Et mentes urgent aspera fata pias:
Non dubium est tutos quin nos Deus ipse gubernet,
Inter & incolumes tanta pericla tegat.
Cætibus angelicis quin nos defendat, & illos
Ad latera huc nobis semper adesse velit.
Quos Epicure putas ideò non esse, quod ipsos
Præsentis usquàm nemo videre queat?
Sponte quasi possis rationis acumine cuncta
Mystica complecti quæ DEVS ipse facit.
Tuq; erras longè stulte o Saducæ, quòd ipse
Circum Christicolas hos volitare negas.
Esse Deum posses, si velles, ipse negare,
Cum tamen hunc monstret qualibet herba tibi.
Vnde ruit ventus quæso, quouè ille recedit?
Aure licet vigili percipis ipse sonum.
Sic etsi angelicam turbam caligine mentis,
Et tremulis oculis cernere nemo potest:
Esse tamen constat reuera, exempla docentq;
Cuncta nimis longum quæ recitare foret.
Falleris ex Sathana quicumq; atrociam facta
Non fieri toties, aut aliunde putas.
Ille furore suo ceu primus perdidit orbem,
Decipiens nostrum callidus arte patrem,
Sic non desistit furis agitatus & iris
Victori Christo iam violare pedes.
Quos non ille dolos, quas non excogitat artes?
Vt nobis rapiat dogmata sancta Dei.
Inde studet verum nodoso inuoluere falso,

Inde

Inde serit tectis dogmata falsa dolis.
Omne genus sceleris securis mentibus infert,
Vt cadat in casses praeda petita suos.
Vtq; lupus stimulante fame ardua iugera montis
Scandit, per saltus, & loca multa ruit,
Donec oues teneras pleno deprehendit ouili,
Ingreditur, totum dilaniatq; gregem:
Sic ille immundus, mille ingeniosus ad artes,
Multiplici sparso seuit in orbe malo.
Ille pios odit profitentes dogmata Christi,
Quaę potest illis fraude nocere, nocet.
Ille velut rugiens Leo totum circuit orbem,
Querens quem doctis deuoret vsq; dolis.
Ille intentatum nil linqvit, & omnia turbat,
Vt possit cultus tantum abolere pios.

Sed tamen angelici cœtus pia membra tuentur,
Et pia pro nostra bella salute gerunt.
Non minus hi peragrant mundum, seuoq; Tyranno
Omnem aditum claudunt, quo cupit esse nocens.
Illi hominum à grauib; conseruant corpora morbis,
Illorum & referunt vota precesq; Deo.
Eripiunt castos, diros reprimuntq; Tyrannos,
Luctifera prohibent summa pericla manu.
Ad latus hic adsunt & nobis cuncta ministrant,
Cuncta, quibus pasci corpora nostra queunt.
Qua pius incedit defendunt semper euntem,
Substernunt castas, agmina sancta, manus.
In flamma pueros seruat Babylonide testes,
Eripit & medio, nuncius, igne, Dei.
Sic cinctus fuerat quamuis Eliseus ab hoste,
Nil tamen horrescens bellica signa timet.

Sic genus humanum quòd complectantur amore
Angelici cætus, pagina sacra refert.
Ipsa etiam exemplis hoc monstrat pluribus ætas,
Quæ numerare quidem nulla Camena potest.
Vix elapsa duo, fallor nisi, lustra, (referre
Quod dignum duxi versibus ipse meis)
Pellebat vitulos pascendos rure bouesq̃.
Agresti multum callidus arte puer.
(Hic qua plena viris atq̃, ipsis nubibus æqua
Vrbs iacet à cygnis nomina clara tenens.)
Dum glacialis hyems tennes astringeret undas,
Albaq̃, montana dum niue tecta forent.
Iussus eratq̃, boues campis depellere pastos,
Sed manet expectans, vespera donec eat.
Cumq̃, moraretur, nox intempesta repente
Ingruit, & densæ iam cecidere niues.
Quid miseri faciant ambo queruliq̃, parentes,
Actum de prolis namq̃, salute putant.
Nosse tamen poterant de nato ex nemine quidquam,
Querere per densas nec potuere niues.
Tertia lux donec mæsto se prompsit utriq̃,
Et iam paulatim nix resoluta foret.
Egressi tristes montes subiere parentes,
Perq̃, vias varias mouit uterq̃, pedes.
Donec eum offendunt loca propter aprica sedentem,
Nulla ubi brumalis copia sparsa niuis.
Ad quem sic ambo fletu & singultibus orsi:
Ad nos a fili nonne redire cupis?
Ille sed arridens respondit utriq̃, parenti:
Cur non expectem vespera donec erit?
Cumq̃, inquirendo lati desistere nollent,
Nunquid ieiunus capserit ore cibi?

Vir

Vir, pater ah, inquit, nitidus me accesserat ultro,
Qui panem, silices lacteolosq. dedit.
Hic puer haud dubie est assertus ab agmine sancto,
Et vir quem vidit spiritus ille fuit.
Quid verò exemplis opus est, exempla petenti
Suppeditare potest plurima longa dies.
Discedens Spira medijs ex hostibus ibas
Angelico tutus, doctæ Grynæ, grege.
Sed quia nota movent magnorum exempla virorum,
Vnius historia iam meminisse libet.
Electo Fridericus erat fraterq. Iohannes,
Qui de Saxonibus nobile stemma trahunt.
Hi quondam vecti rapidas super Albidos undas
Leucoris à Torga diuite tecta petunt.
Vndiq. dum fluctus glomerantur turbine factò,
Ipsa minitatur seu pericla ratis.
Hei mihi quàm tabula navis petebantur ab undis,
Aspera dum glacies vix resoluta natat.
Nauta significans gelido pallore tremorem,
Impulsus ventis non regit arte ratem.
Nam velut ignavus non proficientia rector
Magnanimo nimium frena remittit equo:
Sic quo non voluit, sed quo rapit impetus undæ
Cogitur omninò parua carina sequi.
Quàm videas celerem motas volitare per undas,
Ceui trepidans summis pluma vagatur aquis.
Servatur tamen, & diuino numine sartus
Optatum portum tangit uterq. Ducum.
Vix accesserunt propiore à flumine ripam,
Arx qua doctæ tibi Leucoris alta nitet,
Cernitur in medio planè dirupta carina,
Vexerat excelsos quæ tremebunda Duces.

Stant

*Stant admirantes ambo spectacula tanta,
Et grati agnoscunt omnipotentis opem.
Sic Deus angelico protexerat agmine summos
Seruatos inter summa pericla DVCE S.*

*Quas ergò o sapiens rerum moderator & autor
Debemus grates nunc retulisse tibi.
Quòd nos ad viuam faciem tua dextra creauit,
Quòd nece deuicta libera turba sumus.
Quòd iungis vigiles nobis fidosq; ministros,
Atq; hos inuictis viribus esse iubes.
Vt validis manibus medio è discrimine portent
Saluifica Christo membra recepta fide.
CHRISTE Dei fili nostras tu dirige mentes,
Vni ut possimus dicere grata tibi.
Angelicus cætus nos fulciat, augeat, ornet,
Donec in hoc mundo vita superstes erit.*

F I N I S.

00 A 6436

ULB Halle
004 931 300

3







B.I.G.

Farbkarte #13

40



CARMEN
ELEGIACVM
SCRIPTVM IN FE-
STO MICHAELIS, DE
CVSTODIA ECCLESIAE
sanctis Angelis de-
mandata,
ab
ABRAHAMO HOMILIO
Torgensi.



VVITEBERGAE Ioh. Schuuertel
imprimebat Anno 1568.

